



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, [1659 erschienen] 1660

S. Margarita V. M. 20. Iulij.

urn:nbn:de:hbz:466:1-42032

atque alia identidem ligna adjiciebat; tum in homine, qui aquas ridiculè cribro hauriebat: demum in duobus, qui cum tigno transverso angustam subire portam contendebant; è quibus primus peccantium, alter ambitiosorum, duo alii invidiorum erant typus. Denique beatâ morte ARSENIUS quievit annos natus C. XXI. & tunc etiam talisque mortem horruit. Cettè vivus semper cum strophio visus est, quod lacrymas biberit, quas mors exprimebat, expressura etiam nobis, si cum ARSENIUS memoria impressam altius gestaremus. *Ex Metaphr.*

Necesse est, ut illucescat dies patientia, per quam omnia dura tacitâ amplectaris conscientia, te magis dijudicans, cui displicent, quæ ad salutem sunt, & in cogitatione tuâ semper partem Magistri adversus te ipsum juvenans, teq; accusare, illum excusare laborans. S. Bern. serm. de Circumc.

S. MARGARITA V. M. 20. Iulij.

MARGARITAM in manus damus, vel cælo judice pretiosam. Adolescentula clam parentibus Sacra nostra edocta est. Eam ob causam ad Olybrium Præsidem raptata fuit, ipso (nefas!) parente filiam accusante. Gravius etiam periculum cudebatur, quando Iudex à formâ MARGARITÆ captus amatorem induit, & mollibus armis, blanditiis pugnam movit. Elusit tamen insidias Virgo prudens, & Præses larvâ amoris positâ tyrannum prodidit. Virgis initio cæsa, tum uncis lacerata & in carcerem data. Ibi quoque fatigatam recens hostis Orcus excepit, Draconis exuviis horrendus. Sed hunc objecto scuto Crucis repulit, precumque jaculis confixit. Victrici Superi trophæum

phæum posuerunt Crucem mirèsplendentem, & è cuius apice columba solatia dedit & omnibus vulneribus medicinam. Triumphum hunc primum ornarunt XV. millia hominum in libertatem Christianam è Deorum servitute, asserta. Non multò post iterum pugnatum, & in triumphum ducti ignis & aqua. Nam & faces ardentes pectora admotas in sancti amoris flammis, & aquas, in quas abjecta erat, in baptismum vertit DEVS. Itsum ergo triumphanti columba illa divina palmam coronam imposuit. Invidit Olybrius, & caput laureatum gladio abstulit. Sed imprudens alteram coronam adiecit. *Ex Surio & Lippeloo.*

Diabolica tentationis tibi proponuntur exempla: ut & ipse contra hostis callidi deceptoris insidias feliciter evigiles, & dum te delectat aliorum auidæ victorias, ipse te per languidi corporis ignaviam non remittas. S. Pet. Dam. l. 6. Ep. 21.

S. DANIEL PROPH. 12. Iulij.

Agite Mariani, si virtutis ardua, si tesqua piget calcare, ecce ille magnorum regum vates, ille leonum & adeo Deorum domitor per pomantem illuc vos ducet, vos modò ne oculos otiosos afferte, sed obambulando ipsum pudicitie florem Susannam spectate. Annè videtis, uti nec formæ decor, nec locus solus, nec blanditiæ minervè huius possint decerpere? nempe sola non fuit, quæ secum in oculis ubique Numen circumtulit. Certe hoc suis in oculis Susannæ tulit. Etenim, agite modò capita scelestæ, eja populum in vestram perniciem cogite, accusate innocentiam damnandi puero senes. Et, quid tu ais? scelus, ubi facinus pertratatum? sub *schino*. euge! & tu Orci silicernium